



dr. Senad Softić
Guverner

Broj: 150-15-4-948- 8 /22 MM
Sarajevo, 04.06. 2022. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine i broj: UV-104-01-1-1425-15/21 od 29.06.2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU

o izboru najpovoljnijeg ponuđača u postupku javne nabavke usluga – odvoz, zbrinjavanje i vraćanje arhivske građe

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – odvoz, zbrinjavanje i vraćanje arhivske građe, putem konkurentskog zahtjeva za dostavu ponuda, dodjeljuje ponuđaču MIKROGRAFIJA d.o.o. Sarajevo, na period od jedne godine, u svemu prema Ponudi broj: A-27-05/22 od 27.05.2022. godine.

Član 2.

Ponuda ponuđača iz člana 1. ove odluke glasi na iznos od:

17.950,00 KM bez uračunatog PDV-a

(slovima: sedamnaesthiljadadevetstotinapadeset konvertibilnih maraka i 00/100)

odnosno

21.001,50 KM sa uračunatim PDV-om

(slovima: dvadesetjednihiljadajedna konvertibilna maraka i 50/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Član 4.

Za realizaciju ove odluke zadužuju se Odjeljenje za zajedničke poslove, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.



Član 5.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga – odvoz, zbrinjavanje i vraćanje arhivske građe, pokrenut je Odlukom o pokretanju postupka, broj: 150-15-4-948-2/22 MM od 04.04.2022. godine. U skladu s tim, Centralna banka je 17.05.2022. godine na portalu Javnih nabavki objavila Obavještenje o nabavci broj: 1370-7-2-246-3-151/22, te uputila Poziv za preuzimanje Tenderske dokumentacije putem konkuretskog zahtjeva sljedećim ponuđačima:

- a) etnARHIV,
- b) DARhiv,
- c) Arhiv Servis.

U roku određenom za prijem ponuda, odnosno do 30.05.2022. godine blagovremeno su dostavljene tri ponude sljedećih ponuđača:

- ARHIV SERVIS d.o.o. Sarajevo,
- MIKROGRAFIJA d.o.o. Sarajevo,
- ETN d.o.o. Sarajevo.

Komisija za provođenje postupka javne nabavke je izvršila pregled i ocjenu ponuda i konstatovala da dvije dostavljene ponude ne ispunjavaju uslove utvrđene u tenderskoj dokumentaciji.

Ponuda ponuđača ARHIV SERVIS d.o.o. se odbacuje, jer je nepotpuna i ne ispunjava zahtjeve iz tenderske dokumentacije, u skladu sa članom 68. stav (4) alineja i) Zakona o javnim nabavkama. Naime, ponuđač je u ponudi dostavio Izjavu o ispunjenosti uslova iz člana 45. stav (1) tačke a) do d) Zakona o javnim nabavkama – Aneks 3, koja nije ovjerena od strane nadležnog organa. Tenderskom dokumentacijom je traženo sljedeće: „U svrhu dokazivanja uslova iz tačke 1.1 podtačke a) do d) ponuđač je dužan dostaviti **popunjenu i ovjerenu, kod nadležnog organa, Izjavu koja je sastavni dio ove tenderske dokumentacije i nalazi se u prilogu – Aneks 3 tenderske dokumentacije.**“ U dostavljenoj Izjavi u dijelu „Potpis i pečat nadležnog organa“ nalazi se samo pečat ponuđača Arhiv servis d.o.o., a nedostaje potpis i pečat nadležnog organa.

Također i Izjava iz člana 52. Zakona o javnim nabavkama – Aneks 4 nije ovjerena od strane nadležnog organa. Naime, u dostavljenoj Izjavi u dijelu „Potpis i pečat nadležnog organa“ nalazi se potpis ovlaštenog predstavnika ponuđača i pečat istog, a nedostaje potpis i pečat nadležnog organa.

Pored navedenog, dostavljena ponuda ne sadrži uopšte numeraciju stranica, kako je zahtijevano tenderskom dokumentacijom: „Stranice ponude se označavaju brojem na način da je vidljiv redni broj stranice.“

Ponuda ponuđača ETN d.o.o. se odbacuje, jer je nepotpuna i ne ispunjava zahtjeve iz tenderske dokumentacije, u skladu sa članom 68. stav (4) alineja i) Zakona o javnim nabavkama.

Naime, ponuđač nije dostavio ponudu na način zahtjevan tenderskom dokumentacijom, kojom je traženo:

*„U lijevom gornjem uglu koverte ponuđač je dužan navesti:
Naziv i adresa ponuđača /grupe ponuđača.“*

Ponuđač na koverti nije uopšte naveo svoj naziv niti adresu.

Pored navedenog dostavljena ponuda nije uvezana na način zahtjevan tenderskom dokumentacijom: *„Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“* Ponuđač je ponudu uvezao spiralnim uvezom, koji se ne smatra čvrstim uvezom, čime nije ispunio uslov propisan tenderskom dokumentacijom.

Komisija je utvrdila da ponuda ponuđača MIKROGRAFIJA d.o.o. Sarajevo ispunjava sve uslove utvrđene u tenderskoj dokumentaciji i da je ista prihvatljiva.

Komisija je u svom Zapisniku o pregledu i ocjeni ponuda, broj: 149-15-4-1279-7/22 od 31.05.2022. godine i Izvještaju o radu komisije sa Preporukom broj: 149-15-4-1279-8/22 od 31.05.2022. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.

GUVERNER

dr. Senad Softić



Dostaviti:

- guverneru,
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- Ponuđačima (original)
- u spis predmeta (original)
- arhiva